

RESOLUCIÓN SOBRE A CONCESIÓN DE PRÓRROGAS A EXPEDIENTES DA MEDIDA 19.4B (PROXECTOS DE ANIMACIÓN PROMOVIDOS POLOS GDR) DO PDR DE GALICIA 2014-2020

I.- Antecedentes

- Ao longo do ano 2018, o director xeral de Agader emitiu resolucións de concesión de axuda nas que figuraba un prazo máximo de execución e xustificación dos proxectos de ata o 15 de outubro de 2018 para os gastos correspondentes a esta anualidade, de conformidade co previsto no calendario de xestión da medida 19 (Leader) do Programa de desenvolvemento rural de Galicia 2014-2020 (PDR de Galicia 2014-2020).

- Mediante a resolución do 4 de outubro de 2018, o director xeral de Agader ampliou o prazo máximo de execución e xustificación, para os gastos correspondentes á anualidade 2018 e en relación a todas as resolucións xa emitidas, ata o 30 de outubro de 2018. Por outra parte, as resolucións de concesión de axuda emitidas con posterioridade á citada resolución do director xeral de Agader do 4 de outubro de 2017, emitíronse xa coa nova data máxima de execución e xustificación: 30 de outubro de 2018 para os gastos correspondentes á anualidade 2018.

-Mediante a resolución do 30 de outubro de 2018, o director xeral da Agader ampliou o prazo máximo de execución e xustificación, para os gastos correspondentes á anualidade 2018, ata o 15 de novembro de 2018, aos expedientes promovidos polos GDR no ámbito da submedida 19.4B (animación) que o solicitaron e que figuran no anexo I da citada resolución do 30 de outubro de 2018 do director xeral da Agader.

-Os expedientes da submedida 19.4B (animación) aos que se lle concede prórroga de oficio, ata o 30 de novembro de 2018 atendendo ao seu estado de execución e/ou problemas de liquidez dos GDR para afrontar os pagamentos das facturas xustificativas, son os que figuran no anexo I deste informe.

II.- Fundamentos legais e técnicos

- Acordo do Consello de Dirección de Agader do 10 de febreiro de 2016 polo que se aproban as bases reguladoras para a selección de estratexias de desenvolvemento local, para a selección e recoñecemento dos grupos de desenvolvemento rural como entidades colaboradoras na xestión da medida Leader de Galicia e para a concesión da axuda preparatoria, cofinanciada co Fondo Europeo Agrícola de Desenvolvemento Rural (Feader) no marco do PDR de Galicia 2014-2020, e se convoca o correspondente proceso de selección, publicado mediante a Resolución do 11 de febreiro de 2016 (DOG núm. 42, do 2 de marzo).

-Acordo do Consello de Dirección da Agader do 16 de novembro de 2016 polo que se resolve a convocatoria sobre a selección de estratexias de desenvolvemento local e de grupos de desenvolvemento rural como entidades colaboradoras na xestión da medida Leader de Galicia, así como sobre a concesión da axuda preparatoria, cofinanciada co



Fondo Agrícola de Desenvolvemento Rural (Feader), no marco do PDR de Galicia 2014-2020.

- Convenios de colaboración do 13 de decembro de 2016 entre a Axencia Galega de Desenvolvemento Rural (Agader) e os grupos de desenvolvemento rural seleccionados, mediante acordo do 16 de novembro de 2016 do Consello de Dirección de Agader, para a aplicación dunha estratexia de desenvolvemento local na medida Leader de Galicia, cofinanciada co Fondo Europeo Agrícola de Desenvolvemento Rural (Feader) no marco do PDR de Galicia 2014-2020.

-Acordo do Consello de Dirección de Agader do 29 de decembro de 2016 polo que se aproban as bases reguladoras para a concesión de axudas ao abeiro da medida 19 (LEADER), cofinanciadas con FEADER no marco do programa do PDR de Galicia 2014-2020, publicado mediante a Resolución do 29 de decembro de 2016 (DOG núm. 12, do 18 de xaneiro de 2017).

-RESOLUCIÓN do 12 de decembro de 2017 pola que se convocan, mediante tramitación anticipada de gasto, subvencións para a execución de proxectos ao abeiro da submedida 19.2 (apoio para a realización de operacións conforme a estratexia de desenvolvemento local participativo), da medida Leader do Programa de desenvolvemento rural de Galicia 2014-2020, para as anualidades 2018 e 2019, cofinanciadas co Fondo Europeo Agrícola de Desenvolvemento Rural.

- Resolución do director xeral de Agader, do 4 de outubro de 2018, pola que se modifica a data final de xustificación de investimentos correspondentes á anualidade 2018, de xeito que se amplía ata o 30 de outubro de 2018.

-Lei 39/2015, do 1 de outubro, do procedemento administrativo común das Administracións públicas (BOE núm. 236, do 2 de outubro), que prevé a ampliación de prazos no artigo 32.

-Acordo do Consello de Dirección de Agader do 11 de xullo de 2013, que se publicou mediante a Resolución do 24 de xullo de 2013 (DOG núm. 148, do 5 de agosto), sobre delegación de competencias.

Á data de hoxe aínda non finalizou o prazo de execución e xustificación de ningún dos proxectos que no citado anexo I se sinalan, as prórrogas non exceden da metade do prazo inicial de execución de xustificación e con elas non se prexudican dereitos de terceiros. Polo tanto, cúmprense as condicións do artigo 32 da citada Lei 39/2015 para a prórroga de que se trata.

En consecuencia, e coa finalidade de facilitar unha execución o máis eficiente posible da medida Leader do PDR de Galicia 2014-2020,

RESOLVO:

1. Emitir a resolución de concesión de ampliación do prazo máximo para a execución e para a presentación da documentación xustificativa ata o 30 de novembro de 2018, para os proxectos que se especifican no anexo I e polas causas que no citado anexo se especifican.



2. Notificar a resolución pola que se concede a ampliación do prazo de execución e xustificación aos interesados.
3. Publicar a presente resolución na páxina web de Agader.

ANEXO I

GDR	Nº expediente	Título	Promotor	Data prorrogada	MOTIVACIÓN
Terras de Miranda	L18-1940-01-B094	Valorización dos produtos agroalimentarios a través do sector turístico	GDR Terras de Miranda	30/11/2018	Varias das actuacións todavía están en execución
Ribeira Sacra Courel	L18-1940-06-B067	Puro placer: Xornadas Catas de viños 2018	GDR Ribeira Sacra Courel	30/11/2018	Falta de liquidez para afrontar o pago
	L18-1940-06-B068	Talleres audiovisuais para mozos 2018	GDR Ribeira Sacra Courel	30/11/2018	Falta de liquidez para afrontar o pago
	L18-1940-06-B125	Difusión Leader: Placas identificativas proxectos 2018	GDR Ribeira Sacra Courel	30/11/2018	Falta de liquidez para afrontar o pago
	L18-1940-06-B126	Publicación Libro: A Xeomorfoloxía das Montañas do Courel	GDR Ribeira Sacra Courel	30/11/2018	Falta de liquidez para afrontar o pago
	L18-1940-06-B127	Difusión Leader: Axudas Concedidas 2018	GDR Ribeira Sacra Courel	30/11/2018	Falta de liquidez para afrontar o pago
	L18-1940-06-B128	Coñecemento dos proxectos para o desenvolvemento territorial de Sobrarbe Pirineos, Xeoparque Mundial da Unesco	GDR Ribeira Sacra Courel	30/11/2018	Falta de liquidez para afrontar o pago
Terras de Compostela	L18-1940-19-B046	Explora, descubre e actúa	GDR Terras de Compostela	30/11/2018	Falta de liquidez para afrontar o pago



	L18-1940-19-B071	Deseño e edición de mapa de recursos do GDR Terras de Compostela	GDR Terras de Compostela	15/11/2018	Falta de liquidez para afrontar o pago
Ordes	L18-1940-21-B029	Deseño, edición e publicación de material divulgativo IV: Mapa-Guia do Territorio	GDR Ordes	30/11/2018	Falta de liquidez para afrontar o pago
Seitura 22	L18-1940-24-B100	Difusión da produción e distribución local agroalimentaria	GDR Seitura 22	30/11/2018	Atraso na execución do proxecto

Contra esta resolución de ampliación de prazos non cabe recurso, en aplicación do artigo 32.3 da Lei 39/2015, do 1 de outubro, do Procedemento Administrativo Común das Administracións Públicas.

O director xeral de Agader

Por suplencia (Resolución do 16/07/2018)

O subdirector de Relacións cos GDR

Javier Blanco Carballal.

